



Área / Unidade ASISTENCIA SOCIAL AS0000B LAC	Documento 10518112A5	
Código de verificación  5G3U 2Y10 1C34 6O6W 0KXH	Expediente 105/2024/6701	
	Fecha 27-09-2024	

RESOLUCIÓN

APROBACIÓN DA CONVOCATORIA EXTRAORDINARIA ESPECÍFICA PARA A CONCESIÓN, EN RÉXIME DE CONCORRENCIA NON COMPETITIVA, DE AXUDAS DESTINADAS A APOIAR O TRANSPORTE EN TAXI DE PERSONAS CON DISCAPACIDADE (BONO-TAXI) DO CONCELLO DA CORUÑA PARA O ANO 2024.

I.- Antecedentes

O Concello da Coruña, en aplicación do que establecen o artigo 25 da Lei 7/85, de 2 abril, reguladora das bases de réxime local e a Lei 5/1997, do 22 de xullo, da administración local de Galicia, promove actividades co fin de contribuír a satisfacer as necesidades e aspiracións da comunidade veciñal. En todo caso, as devanditas competencias exércense nos termos da lexislación estatal e autonómica en materia de servizos sociais, e en particular a Lei 13/2008, do 3 de decembro, de servizos sociais de Galicia.

A concesión de axudas económicas constitúe un instrumento básico e indispensable para a consecución dos obxectivos que fixa a política social e económica do Concello da Coruña. Neste senso, e co fin de reforzar o apoio ás familias nas que algunha das súas persoas membros sexa unha persoa con discapacidade segundo o previsto no artigo 67 do Texto Refundido da Lei Xeral de dereitos das persoas con discapacidade e da súa inclusión social, aproba con carácter anual unha convocatoria para a concesión de axudas denominadas "Bono-Taxi".

Vista a actualización das tarifas dos taxis de A Coruña nun 4,72% que se produciu despois da aprobación da convocatoria ordinaria destas axudas de "bono-taxi" e que entrou en vigor no pasado mes de febreiro, despois de estar conxeladas nos últimos cinco anos e o acordo plenario de data 12 de setembro de 2024 polo que se acorda ampliar o crédito para aprobar un nova convocatoria extraordinaria de axudas destinadas a apoiar o transporte en taxi de persoas con discapacidade (bono-taxo) resulta necesario incrementar a partida orzamentaria destinada a este programa.

Con esta finalidade, pretendese aprobar a convocatoria extraordinaria, en réxime de concorrência non competitiva, destas axudas de "bono-taxi" coa finalidade de incrementar os recursos do Concello da Coruña destinados a apoiar o transporte en taxi de persoas cunha discapacidade que afecte gravemente a súa mobilidade e lles impida empregar os transportes públicos colectivos para o ano 2024, por un importe de 31.500,00 euros.

II.- Consideracións Técnicas e Xurídicas

O marco xurídico destas axudas ven determinado polo Regulamento de servizos das corporacións locais do 17 de xuño de 1955, a Lei 38/2003 Xeral de subvencións, o Real Decreto 887/2006 polo que se aproba o Regulamento da Lei 38/2003, do 17 de novembro, xeral de subvencións e a Lei 9/2007, do 13 de xuño, de subvencións de Galicia.



O artigo 9.2 da LXS dispón que con carácter previo ao outorgamento das subvencións deberán aprobarse as bases reguladoras da concesión. Asemade, o artigo 17.2 prevé que as bases reguladoras das subvencións das corporacións locais deberanse aprobar no marco das bases de execución do orzamento, a través dunha ordenanza xeral de subvencións ou mediante unha ordenanza específica para as distintas modalidades de subvencións.

No ámbito municipal, existe unha Ordenanza municipal de bases reguladoras xerais para concesión de subvencións polo Concello da Coruña e os seus organismos públicos, cuxo texto integro foi publicado no BOP da Coruña nº 156 de data 16/08/2024.

A Concellería de Benestar Social, Participación e Igualdade ven de elaborar unha nova convocatoria extraordinaria de axudas específica para a concesión, en réxime de concorrència non competitiva, de axudas destinadas a apoiar o transporte en taxi de persoas cunha discapacidade que afecte gravemente a súa mobilidade e lles impida empregar os transportes públicos colectivos para o ano 2024, cun importe de 31.500, euros.

As persoas beneficiarias desta convocatoria serán as persoas con discapacidade recoñecida polo organismo competente da Xunta de Galicia ou Administración competente, que afecte gravemente a súa mobilidade e lles impida utilizar os transportes públicos colectivos.

Destacan como novidades e melloras na convocatoria extraordinaria de axudas específica para a concesión, en réxime de concorrència non competitiva, de axudas destinadas a apoiar o transporte en taxi de persoas cunha discapacidade que afecte gravemente a súa mobilidade e lles impida empregar os transportes públicos colectivos para o ano 2024, entre outras:

- A simplificación da documentación solicitada xa que no caso de haber presentado a documentación na convocatoria ordinaria, non será necesario volver a presentar a documentación, sempre e cando teña validez.

- A redución á metade do prazo de solicitude, tendo en conta que a tramitación se facía por un procedemento abreviado, coa finalidade de entregarlles aos beneficiarios os tickets, denominados "bono-taxis" á maior brevidade posible, xa que só se poden utilizar dende o momento da súa entrega.

O prazo establecido, de quince días, cumpre co establecido no artigo 23 da Ordenanza municipal das bases reguladoras xerais para a concesión de subvencións polo Concello da Coruña e os seus organismos públicos, que establece que o prazo para presentar a solicitude establecerase na convocatoria, non podendo ser inferior a cinco días hábiles.

- Para o cálculo da subvención terase en conta o importe outorgado na convocatoria ordinaria da presente anualidade. En ningún caso, a suma das contías recibidas na convocatoria ordinaria e extraordinaria poderá superar a contía máxima establecida de 1.000,00 por beneficiario.

Dende o punto de vista formal, esta convocatoria extraordinaria de axudas para o ano 2024 mantén a simplificación da documentación a presentar polos interesados que se puxo en marcha na convocatoria ordinaria, ó incorporar a posibilidade de consulta de novos datos incluídos no catálogo de servizos de interoperabilidade da Xunta de Galicia e outras administracións.

III.- Existencia de crédito

En relación co importe da convocatoria, a contía total desta convocatoria é de 31.500,00€, que se imputarán á aplicación orzamentaria 51.231.480.06 do orzamento municipal, cuxa



rúbrica é "*Bono taxi axudas a persoas con discapacidade para o transporte en taxi*", coa seguinte distribución entre as anualidades dos exercicios orzamentarios 2024 e 2025:

ANUALIDAD 2024 (octubre 2024 a novembro 2024)	21.000,00 €
ANUALIDAD 2025 (diciembre 2024)	10.500,00 €

Consta no expediente o informe emitido pola Dirección de Recursos Económicos e Dixitalización ([AP2024.102](#)) atendendo á natureza plurianual da ampliación proposta.

IV.- Competencia

Os acordos que se adopten son competencia da Xunta de Goberno Local, segundo dispón o artigo 127 da Lei 7/1985, do 2 de abril, reguladora das bases de réxime local. A Xunta de Goberno Local, por acordo de data 04/07/2024, publicado no BOP núm. 129 do 05/07/2024, acordou delegar, de conformidade co previsto no artigo 5.2 do Regulamento Orgánico Municipal, na alcaldesa e nas concelleiras e concelleiros delegadas e delegados, coas facultades de dirección e xestión en xeral dos servizos de cada área respectiva, nos seus ámbitos funcionais e orgánicos, as seguintes atribucións da Xunta de Goberno Local: delegar a convocatoria de axudas e subvencións e a súa resolución de concesión, así como a aprobación de subvencións nominativas previstas no orzamento e do seu convenio nominativo, ata un importe de cincocentos mil euros (500.000,00 €), IVE excluído, así como a autorización e disposición do gasto correspondente, sempre que se realicen con cargo a aplicacións orzamentarias cuxa xestión lles corresponda.

Á vista do exposto e de acordo coas facultades que me confire a Lei 7/1985, de 2 de abril, de Bases do Réxime Local, e facendo uso das atribucións que teño delegadas pola Xunta de Goberno Local (Acordo do 04/07/2024, publicado no BOP núm.129, do 05/07/2024),

RESOLVO

PRIMEIRO.- Aprobar a convocatoria extraordinaria específica para a concesión, en réxime de concorrência non competitiva, de axudas destinadas a apoiar o transporte en taxi de persoas con discapacidade (bono-taxi) do concello da Coruña para o ano 2024, que se une ao expediente mediante documento con código seguro de verificación 0R12 4Y4J 2R0W 2K0G 0L2R na súa versión en castelán y 4D2F 290Y 3T0N 064T 04K7 na súa versión en galego.

SEGUNDO.- Reter crédito polo importe de 21.000,00 €, destinados a pagar os meses de outubro a novembro do 2024, na aplicación 51.231.480.06 do orzamento municipal en vigor.

Subordinar a autorización e o compromiso de gasto por importe de 10.500,00 €, destinados a pagar o mes de decembro do 2024, a que exista crédito axeitado e suficiente no orzamento municipal para o exercicio 2025.

TERCEIRO.- Realizar os trámites precisos para publicar a convocatoria no Boletín Oficial da Provincia (BOP) da Coruña, na sede electrónica do Concello da Coruña e na Base de Datos Nacional de Subvencións.

CUARTO.- Encomendar ao Servizo de Servizos Sociais a tramitación e seguimento deste expediente.



Contra o presente acordo pon fin á vía administrativa e cabe interpoñer polos interesados, con carácter potestativo, recurso de reposición ante o órgano que adopta este acordo, no prazo dun mes contado a partir do día seguinte ao da publicación do mesmo (artigos 123 e seguintes da Lei 39/15, de 1 de outubro, do procedemento administrativo común das Administracións Públicas) ou interpoñer directamente, recurso contencioso administrativo ante o xulgado do contencioso-administrativo, no prazo de dous meses contados a partir do día seguinte ao da publicación deste acordo (artigos 8 e 46 da Lei 29/98, de 13 de xullo, reguladora da Xurisdición contencioso-administrativa), sen prexuízo de que os interesados poidan interpoñer calquera outro que estimen pertinente.

A Coruña, na data da sinatura dixital do documento electrónico.

A Xunta de Goberno Local, P.D. (Acordo da XGL de data 04/07/2024, publicado no BOP núm 129 do 05/07/2024)

A concelleira delegada responsable da Área de Benestar Social, Participación e Igualdade
Nereida María Canosa Domínguez